

Gizsaed, bouxvunz gangj gojsaeh doq gangj doq daej lo.

Gou mbouj rox byawz youq gyanghwnz ndaemsaksak siengjniemh gou hawj gou mbouj ndaej ninz. Lauheiq mwngz cijdwg hawj gou aen ngaeuwlaeng ndeu, gou couh rox baihnamz dwg gijmaz yiengh.

Baihnamz

Gou lwnh hawj sojmiz vunz gou mbouj roxnaj, gou yaek bae baihnamz, bae yawjyawj haij gizhaenx miz geijlai lamz, dahsau gizhaenx miz geijlai gyaunde. Gou gaem dawz gen bouxvunz gou mbouj roxnaj, de fid fwngz gou bae caemhcai nyoengx-laemx gou. Gou mbouj daej, gou nyinhnaeuz gyoengqde mbouj rox baihnamz dwg aen coh gig gyaunde, couh lumj mwngz nei saunde.

Mwngz youq baihnamz, gou couh youq gya' gya yawj, gou doiq sojmiz vunz naeuz baihnamz mwngz youq miz geijlai gyaunde, gyoengqde naeuz

sanjvwnz

Gojsaeh Caengz Gangj Liux, Bouxvunz Cix Youq Ndaw Rumzsa Byaij Mbouj Raen Lo

故事还没有说完，人却在风沙中走不见了

□ Geiq Doengh

gou caen dwg boux vunzbag he. Gou rox baenzlawz han? Mbouj miz gijmaz banhfap la, gojsaeh gou mbouj miz byawz dingq, gou gag byaij youq gwnz roen, gwnz roen miz va、nywj、gofaex, lijiz rumz sa、nae、mok.

Baihnamz mwngz youq gig gyaunde, hoeng, gou hix cijdwg naeuz satlo, aenvih gou mbouj caengz daengz gizhaenx gvaq. Gou mbouj caengz raen vamoegmienz hai gvaq, hoeng, gou itcig

dang de dwg va bauj gou. Gou hix mbouj rox vamoegmienz daiyauj gijmaz eiqsei, gou cij rox vamoegmienz baihnamz mwngz youh hai ndaej gig gyaunde, mwngz soengz youq baihlaj gomoegmienz, lumj fuk veh he.

Seizhaenx, gojsaeh sojmiz hawj gou ved ok mwngz, mwngz caeug gou naengh youq laj ronghndwen, naengh youq laj gomoegmienz baihnamz.

Baihnamz, dwg giz gou ciuhneix itdingh yaek bae, daiq mbouj ndaej mwngz dauq, hix yaek daiq di vahom moegmienz dauq.

Gizsaed, youq raiz gojsaeh gven-daengz mwngz seiz, moix aen cih cungj dwg baenzneix swhyienz, gou mbouj bae daegbied yungh gij cih ndeimbauq, cijdwg swnh sim gou bae raiz. Miz vunz naeuz gaiq haenx dwg faenzcieng gou raiz ndaej cei ndei. (caengz sat)

Siengj Hwnj Doengzhag

想起老同学

□ Cinz Yivangj / 覃玉往

Seizgan gvaq ndaej caen vaiq, baez yaepda 15 bi couh laeglemx youq henz ndang raeuz gvaqbae lo. Ndwenngoengz gvaqbae, louz hawj raeuz gamjingz nanzlumz, lumj dwg laeujhau nei, louz ndaej yied nanz yied hom, hawj vunz lumz mbouj ndaej.

Doengzhag cunghconh gietdingh guhcomz, geij boux doengzhag youq henz zozyau gaxgonq doegsaw gunghcoz couh ra dieg bae comz. Lauxbanh dwg “lingjauj” baez comz neix, bizyez 15 bi lo, caeug doengzhag gizyawz ityiengh, gou caeug de itcig mbouj doxraen gvaq. Duenh seizgan neix, dou cij daj denva, ca mbouj lai cungj dwg gangj baez comz doengzhag yaek daengz neix, gangj yaep he couh gamjdaengz gig vuenheij.

Lauxbanh cibfaen gyaedz dik giuz, doegsaw seiz, de couhdwg “giuzvangz” ban dou. Aenvih de rox dik haujlai cungj giuz, roengzdangz le de ca mbouj lai cungj dwg youq gwnz

giuzcangz dik giuz. Bizyez le, de couh itcig guh gyauglien son hagseng dik giuz.

Youq ndaw ukgyaeuj gou, daengx ban doengzhag bouxbox cungj gig ak, gyoengqde gak miz dwzcangz, comz youq ndaw ban ndeu, youq ndaw gakloih doxdax, ban dou cungj aeu ndaej cingzcik ndei.

Doeg cunghconh bi daihsam seiz, ban dou aeu aen cezmu ndeu daeuj camgya moix bi cietyisuz doxdax, ndawde miz aen foux he heuhguh 《Va Vih Gijmaz Yienghneix Hoengz》. Fwnh caeug Maez gyoengqde diuq foux gig leixhaih. Miz bi ndeu, gyoengqde dang daujyenj, aeu senj vunz daeuj diuq foux seiz, siengj mbouj daengz gyoengqde senj ndaej gou. Gou mbouj miz vwnzyi sibauh, coengzlaiz mbouj biujyenj gvaq, engq mbouj yungh gangj diuq foux lo. Senj gou aiq dwg gou maj ndaej youh byom youh saeq, ndang lumj boux rox diuq foux nei. Hwnj daiz



Gingj ndei Mbanjcuengh

diuq foux seiz, gou cungj dwg ndoj youq baihlaeng gyoengqde. Diuq sat seiz, Gyoengq doengzhag youq baihlaj daizheiq riu dwk naeuz: “Yawj bae yawj dauq, cij yawjraen fwngz mwngz gingzgvaq gwnz gyauej bouxvunz baihnaj mwngz, caen dwg vunzcaen mbouj oknaja!”

Mbouj rox vih gijmaz, gij dungcoz diuq foux neix itcig louz youq ndaw ukgyaeuj gou, dungcoz gijwnq gou cungj lumz liux lo. Doeklaeng gou rox

Fwnh caeug Maez vih gijmaz yienghneix guh. Gizsaed gou youq gwnz daizheiq diuq foux seiz, gou angq dangqmaz lo.

Saedcej lumj raemxlae nei menhmenh lae gvaqbae, gamjingz gyoengq doengzhag couh yienghneix menhmenh gyalag. Mizseiz fatseng saehcingz mbouj angq, ra gyoengqde gangj, gyoengqde geij coenz vah ndei, song fwngz gaem youq itheij—riu baez ndeu couh ndei lo.

Veiz Gozcingh gig yawjnaek ngeixcauh huqok moq caeug cauh mingzbaiz. Lij youq bi 1965, de cix heuh gak yenzgiu soj guh goqdaez yaek caeug gij hong gungh nungzyez Guengjsae doxgap hwnjdaej, ngeixcauh huqok moq. Bi 1966 donh bi naj, de caeug gij goengdaez Namzningz、Liujcouh、Gveilnz、Vuzcouh seiq aen si haenx naenghdamz, daegbied giengzdihh gak si aeu daj gij saehsaed bonjfaenh okdin, guh huqok moq, cauh huq mingzbaiz, caemhcai dapwngq hawj goengdaez moix aen si gaemguen 4 fanh maenz ngaenz bae sawq cauh huqok moq. Youq baez hoih gwnz neix, de youh iugouz gak dieg siengj banhfap cauh gij huq mingzbaiz bonjfaenh okdaej. De daegbied doiq gij goengdaez Si Namzningz naeuz: “Namzningz dwg soujfuj swcigh, dawz mbouj ok geij yiengh huq mingzbaiz okdaej, couh mbouj ndei

lo!”

Veiz Gozcingh guh hong miz aen daegdiemj ndeu, gij saeh de gietdingh gvaq caeug gangj gvaq haenx, cungj seizseiz geiq ndaej, gaemh maenh mbouj cuengq, fatyienh vwndiz, bangcoengh gaijgez.

Geij bi haenx, ginghgunghgiz ndwenndwen cungj aeu bauq aen biuj cauh’ ok hawj baihgwnz, fanj-yingj gij cingzgvang canjlieng caeug canjeiz cauh’ ok ginghgungh gak dieg daengx gih haenx. Veiz Gozcingh gig yawjnaek aen biuj neix, ndwenndwen

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

cungj yawj, danghnaeuz fatyienh canjeiz canjlieng roengzgyangq, doq heuh misuh dungheih gij goengdaez ginghgunghgiz haenx daeuj guh gyoelwnh. De mbouj dwg vet lajfwngz, cij dwg siengj loengh cingcuj gij yenzyinh caencingq, yienghneix couh bienz ciuq bingh boiq yw. Dangyienz, it cam sam mbouj rox, roxnaeuz luenh han baez ndeu ne, couh deng de bihbingz lo. Gij yenzyinh roengzgyangq, itbuen cungj dwg miz lai aen fuengmienz, miz giva anbaiz、gunghsangh doxlien、

ngaenzgoek sezbei、yienzcaizliuh caeug gunghawj dienhlig daengj vwndiz, hix miz dinfwngz caeug guh hong loengcak daengj vwndiz. Fanzdwg ok gij saeh nangq daengz gij bumwnz wng haenx, Veiz Gozcingh doq caeug gij goengdaez swcigh faenguenj caeug mizgven bumwnz doxyaeng, ngeixyaeng banhfap gaijgez. Gij vwndiz dwg ginghgunghgiz bonj-faenh haenx, de hix hawj sonyinx gidij, vix ok fuengyiengq, bang-coengh gaijndei.

(caengz sat)